

UNIVERZITET U TUZLI
Ul. Dr. Tihomila Markovića br. 1
Broj: 01-70-JN-10/24
Tuzla, 04.06.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika o pregledu i ocjeni ponuda broj: 01-70-JN-9/24 od 30.05.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, direktor za ekonomske poslove, *donio je*

O D L U K U O IZBORU NAJPOVOLJNIJEG PONUĐAČA

I

U okončanom Otvorenom postupku javne nabavke računarske i elektrotehničke opreme za laboratoriju na Fakultetu elektrotehnike u cilju realizacije projekta „Pametna fabrika omogućena vještačkom inteligencijom na rubovima distribuirane mreže-preduslov za Industriju 5.0“, izabran je ponuđač INGEL d.o.o. Tuzla sa ponudnom ukupnom cijenom 38.860,00 KM (bez PDV) odnosno 45.466,20 KM (sa PDV), te se istom dodjeljuje ugovor o nabavci roba.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponudenu cijenu prihvatljiva za Univerzitet u Tuzli.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostavi original ili ovjerene kopije svih uvjerenja/povrda kojim se dokazuje vjerodostojnost date Izjave iz člana 45. stav (2) tačka a) do d) Zakona o javnim nabavkama BiH.

IV

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Univerzitet u Tuzli pokrenuo je postupak javne nabavke računarske i elektrotehničke opreme za laboratoriju na Fakultetu elektrotehnike u cilju realizacije projekta „Pametna fabrika omogućena vještačkom inteligencijom na rubovima distribuirane mreže-preduslov za Industriju 5.0“ putem Otvorenog postupka javne nabavke broj: 01-70-JN-2/24 od 11.04.2024. godine, objavljenog na Portalu javnih nabavki, obavještenje broj: 795-1-1-40-3-57/24 od 19.04.2024. godine, a sažetak u „Službenim novinama BiH“ broj: 30/24 od 07.05.2024. godine i WEB stranici Univerziteta.

Odobreni budžet za nabavku iznosi 38.860,00 KM (bez PDV).

U roku utvrđenom tenderskom dokumentacijom ponudu su dostavila tri ponuđača: NEXIS d.o.o. Sarajevo, AOP –MIŠ d.o.o. Tuzla i INGEL d.o.o. Tuzla.

Analizom dostavljenih ponuda Komisija za javne nabavke ja u Zapisniku o pregledu i ocijeni ponuda konstatovala da je ponuđač NEXIS d.o.o. Sarajevo u Obrascu za cijenu ponude za stavku pod rednim brojem 4. Termalna – infracrvena kamera (modul) ponudio TOF kameru, a zahtijevana je termalna kamera. Za stavku pod rednim brojem 5. Mobilni robot sa 2 kolaborativne robotske ruke, 3d kamerom i 7“ ekranom nije priložio katalog /specifikaciju mobilnog robota što je zahtijevano tačkom 3.7.2 tenderske dokumentacije. Za stavku pod rednim brojem 6. Notebook računar ne navodi za ponudeni model Linux operativni sistem, što je zahtijevano tačkom 4.1.d) tenderske dokumentacije. Nadalje, za stavku pod rednim brojem 10. Senzorski set za ugrađene sisteme ponudeni senzorski set ne zadovoljava specifikaciju senzora, nema svih traženih senzora, nema motora sa driverom ne sadrži H most i ESP. Priloženi Obrazac za cijenu ponude nije potpisan i ovjeren pečatom ponuđača na propisanom mjestu. Zbog svega navedenog Komisija je konstatovala da je ponuda ponuđača NEXIS

d.o.o. Sarajevo nepravilna jer nije u skladu sa tenderskom dokumentacijom, zbog čega se ova ponuda odbacuje.

Pregledom ponude ponuđača AOP –MIŠ d.o.o. Tuzla komisija je utvrdila da ponuđač u Obrascu za cijenu ponude za stavku pod rednim brojem 6. Notebook računar ne navodi za ponuđeni model Linux operativni sistem, što je zahtijevano tačkom 4.1.d) tenderske dokumentacije. Nadalje, za stavku pod rednim brojem 9. Razvojna procesorska ploča sa kućištem, hladnjacima i napajanjem ne prilaže katalog a što je zahtijevano tačkom 3.7.2 tenderske dokumentacije. Takođe u stavci pod rednim brojem 10. Senzorski set za ugrađene sisteme za H most ne prilaže katalog, a što je zahtijevano tačkom 3.7.2 tenderske dokumentacije.

Zbog navedenog ponuda ponuđača AOP –MIŠ d.o.o. Tuzla je nepravilna jer nije u skladu sa tenderskom dokumentacijom zbog čega se ova ponuda odbacuje.

Cijeneći ponudu ponuđača INGEL d.o.o. Tuzla u pogledu kvalifikiranosti i ispunjavanja zahtjeva iz tehničke specifikacije opreme, te prema obliku, sadržaju i potpunosti, Komisija je utvrdila da je ponuda prihvatljiva u formalno-pravnom i tehničkom smislu, te shodno članu 4. stav (2) Pravilnika o uslovima i načinu korištenja e-aukcije (Službeni glasnik BiH broj 80/23) u slučaju prijema jedne prihvatljive ponude e-Aukcija nije zakazana.

Budući da je ponuda ponuđača INGEL d.o.o. Tuzla prihvatljiva, da sadrži sve dokaze zahtijevane tenderskom dokumentacijom i opremu u skladu sa traženim minimalnim karakteristikama, te ponuđenu cijenu koja je u skladu sa planiranim budžetom, to je Komisija predložila da se navedenom ponuđaču dodijeli ugovor o javnoj nabavci.

Cijeneći izneseno, te činjenicu da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je prijedlog Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocijeni ponuda broj:
01-70-JN-9/24 od 30.05.2024. godine



DOSTAVITI:
1x učesnicima
1x WEB portal
1x a/a